

Nekoliko isječaka o Kur'anu i spoznaji Boga sa aspekta drugih .religija

<"xml encoding="UTF-8?">

Nekoliko isječaka o Kur'anu i spoznaji Boga sa .aspekta drugih religija

Raznobojnost u kresanju riječi, gradnji rečenica, u ritmu samih riječi sa značenjima i" osjećanjima dostiže u Kur'anu sami vrhunac i dolazi uvijek na odgovarajuće mjesto, bez i najmanje usiljenosti i opterećenja"

"Ako bismo isli na dublju analizu (Kur'anskog teksta) otkrili bismo savrsenu preciznost i zadržavajuću zakonitost. Svaki harf je na svmo odgovarajućem mjestu bez proturanja i prebacivanja. Ni jednu riječ ne možeš zamijeniti drugom niti slova, a da se ne izgubi sklad i harmonija i sve ostalo što daje savršenstvo samom tekstu. Kao da je svaka riječ najpreciznijom izabrana od milion i više riječi. Ova vrhunska preciznost neponovljiva je"

((Iz islamskih časopisa

Nema toga prirodnog učenjaka koji može spoznati sve o biti samo jedne mušice i njenim" osobinama, a kamoli da sazna suštinu Božijeg bića."

(Bekon)

"Ne postoji način za spoznaju Jedinstvenog Bića. Spoznata mogu biti samo Njegova svojstva. Naš um nije podoban da bude neki izabrani sudac preko koga prosudjujemo djela Svevišnjeg, Njegove tajne kod stvaranja i Njegove odredbe."

((Ibnu Sina

:Citati iz Evanđelja po Barnabi

Uistinu, kao što čovjek, kažem vam, ne može svojim očima vidjeti istovremeno zemlju i nebo,"
isto tako je nemoguće voliti Boga i svijet."

"Ni jedan čovjek ne može na koji način služiti dva gospodara koji su u međusobnom neprijateljstvu, jer će vas jedan voljeti, drugi će vas mrziti. Isto tako vam ja kažem, da vi doista ne možete služiti Bogu i svijetu, jer svijet počiva na neistini, požudi i opacini.....Služite Boga i prezirite svijet...."

"Doista, blagoslovljeni su oni koji oplakuju ovaj zemaljski život, jer će oni biti utjeseni".

"Blagoslovljeni su siromašni koji zaista mrze uživanje svijeta, jer će oni imati obilje uživanja kraljevstva Božijeg".

"Ne opterećujte svoja srca zemaljskim željama, govoreći: "Ko će nas odijevati?" ili "Ko će nam dati da jedemo?" Ali pogledajte cvijeće i drveće sa pticama, koje Bog nas Gospod oblači i hrani"

"Zaista, jer vam kažem da će zemlja i nebo propasti, ali neće propasti Njegova milost prema onima koji Ga se boje. Ali bogati na svijetu su u svom prosperitetu gladni i stradavaju."

"Ali, ja vam kažem, doista da šta god dadnete ili se odreknete za ljubav Boga, primate ga nazad stostruko i život vječni."

(Citati iz stavka 16)

Isus govori: "Filipe, Bog je dobro bez kojeg nista nema dobro; Bog je biće bez kog nema nista što jest; Bog je život bez kog nema ničeg što živi; tako velik da on ispunjava sve i svugdje je. On sam nema nikog sebi ravnog. On nije imao početka niti će On ikad imati kraj, ali On je svemu dao početak, i svemu će On dati kraj. On nema oca niti majku; On nema sinova, niti braće, niti drugova. I zato što Bog nema tijelo, On ne jede, ne spava, ne umire, ne hoda, ne kreće se, nego postoji vječno bez ljudske sličnosti, jer On je bestjelesan, nesastavljen, nematerijalan, od najprostije supstance. On je tako dobar da voli samo dobrotu; On je tako pravedan, da kad On kažnjava ili prašta, to ne može biti proturiječno. Ukratko, kažem ti Filipe, da ovdje na zemlji ti ne možeš vidjeti Njega, niti ga sasvim spoznati; ali u njegovom kraljevstvu ti ćeš ga vidjeti za stalno; u tome se sastoji sva nasa sreća i slava".

(Citati iz stavka 17)

"U vašem strpljenju vi ćete naći svoju dušu. Zato, ako vas neko udari u jednu stranu lica, okrenite mu drugu da bi vas on udario. Ne uzvraćajte zlo zlom, jer tako rade sve najgore životinje; već uzvraćajte zlo dobrim i molite Boga za one koji vas mrze.

Vatra se ne gasi vatrom, nego vodom; Isto tako, kazem vam da necete nadvladati zlo zlom, nego prije dobrim."

"Pazite da ne volite ili ne želite stvar koja se ne sviđa Bogu, našem Gospodu. Budite sigurni da Bog ne voli blještavila i pozude svijeta i zato mrzite svijet".

(Citati iz stavka 18)

"Od ilovače, od Zemlje je Bog stvorio tijelo, i u to udahnuo dah života udahnuvši u njega. I zato kad tijelo ometa službu Božiju ono treba da bude s prezirom odbijeno kao ilovača i zgaženo jer ma koliko mrzio svoju dušu na ovom svijetu sačuvaće je u vječnom životu".

"Šta je tijelo sada - ono manifestuje svoje želje - to je grub neprijatelj svakog dobra: jer ono samo želi grijeh."

"Treba li onda čovjek, da bi zadovoljio jednog od svojih neprijatelja, da napusti da udovoljava Bogu, svom stvoritelju? Razmotrite ovo. Svi sveci i proroci su bili neprijatelji svog tijela, radi službe Bogu: zato su spremno i s dragošću otišli u smrt svoju....."

(Citati iz stavka 23)

"Teško onima koji su sluge svog tijela, jer oni su sigurni da neće imati nikakvo dobro u drugom životu, već samo mučenje zbog grijeha njihovih."

"Vidite onda jesu li siromašni blagoslovljeni," rece Isus, "koji imaju strpljenje i žele samo ono sto je potrebno, mrzeći tijelo."

(Citati iz stavka 24)

"Potom reče onaj koji (ovo) piše: "O gospodaru, istinite su tvoje riječi, i zbog toga smo mi napustili sve da bi te slijedili. Reci nam, onda, kako treba da mrzimo svoje tijelo; jer ubiti se nije dopušteno, a za život moramo obezbijediti sredstva."

Isus odgovori: "Drži svoje tijelo kao konj, i živjećeš sigurno. Jer konju se daje hrana po mjeri, a rad bez mjere, i uzda se stavlja na njega, da bi on isao po tvojoj volji, on se veze da nikome ne bi smetao, on se drži na oskudnom mjestu i tuče se kad je neposlušan; tako čini i ti Barnaba i ti ćeš uvijek živjeti s Bogom."

"Pa, recite mi, da li je siromasniji onaj ko je zadovoljan s malo, ili onaj koji želi mnogo? Dista, kazem vam, da - kad bi svijet imao zdrav razum - niko ne bi gomilao nista za sebe, nego bi sve bilo zajedničko. Ali u ovome je poznata njegova ludost, što vise skuplja, vise želi..."

"...i ne razmisljajte govoreci: "Šta ce nam se dogoditi?", nego mislite da vršite volju Božiju, i On će vas snabdjeti vašim potrebama, tako da vam nista neće nedostajati."

"Doista, ja vam kazem, da mnogo gomilanja u ovom životu daje sigurno svjedočanstvo o tome da nema šta da se primi u drugom."

(Citati iz stavka 25)

"Nato Isus reče: "Vi ćete biti ludi ako ne predate svoja osjećanja Bogu da kupi vašu dušu u kojoj počiva riznica ljubavi; jer ljubav je blago neuporedivo. Jer onaj ko voli Boga, ima Boga za sebe; a ko ima Boga, ima sve."

"Isus odgovori: "Uistinu, kažem vam da onaj ko neće mrziti svog oca i svoju majku i svoj vlastiti život, i djecu i ženu, za ljubav Božiju - da takav nije vrijedan da od Boga bude voljen."

"Zato vam kazem da sve sto imate Bog vam je podario: i tako, je li vrijedniji dar ili darodavac? Kad je tvoj otac i tvoja majka sa svim ostalim prepreka za tebe u službi Božijoj, napusti ih kao neprijatelje. Zar nije Bog rekao Abrahamu: "Idi iz kuće oca svog i svoje rodbine i dođi da stanuješ u zemlji koju ću Ja dati tebi i sjemenu tvom?" A zbog čega je Bog rekao ovo? – samo zbog toga što je otac Abrahamov bio izrađivač kipova, koji je pravio i obožavao lažne bogove.

Otad je među njima bilo neprijateljstvo toliko da je otac želio da spali svog sina". Petar reče: "Istinite su tvoje riječi," zato te ja molim da nam kažeš kako se Abraham rugao svom ocu".

Isus odgovori: "Abraham je imao sedam godina kad je počeo tražiti Boga. Tako jednog dana reče svom ocu: "Oče, šta je napravilo čovjeka?"

Budalasti otac odgovori: "Čovjek; jer ja sam napravio tebe, a moj otac je napravio mene." Abraham odgovori: "Oče to nije tako; jer ja sam čuo jednog starca kako place i govori: "O moj Bože, zašto mi nisi dao djecu?"

Njegov otac reče: "To je istina sine moj da Bog pomaže čovjeku da napravi čovjeka, ali On u to ne mješa svoje ruke; samo je potrebno da čovjek dođe i moli se svom Bogu i da mu da janjce i ovce, i njegov Bog će mu pomoći".

Abraham upita: "Koliko ima bogova, oče?"

Starac odgovori: "Ima ih beskonačno po broju, moj sine".

Tad Abraham reče: "O oče,šta ću učiniti ako budem služio jednom Bogu, a drugi mi bude želio zlo, jer njega ne služim? Na bilo koji način ce doći do nesloge među njima i tako će doći do rata među bogovima. Ali, ako bog koji mi želi zlo, ubije mog sopstvenog boga šta ću učiniti? Sigurno je da bi on mene takođe ubio".

Stari čovjek smješeći se odgovori: O sine, ne boj se, jer ni jedan bog ne ratuje s drugim; ne , u velikom hramu ima hiljadu bogova sa velikom bogom Baalom; a ja sam sada blizu sedamdeset godina starosti i još nisam nikad vidio da je jedan bog udario drugog boga. A sigurno je da svi ljudi ne služe jednog boga, nego jedan čovjek jednog, a drugi drugog".

Abraham reče: "Tako, onda oni imaju mir među sobom." Reče otac njegov: "Imaju."

Tad reče Abraham: "O oče, na šta su bogovi nalik?"

Starac odgovori: "Budalo, svakog dana ja pravim boga kojeg prodam drugima da bih kupio kruh, a ti ne znaš na šta su bogovi nalik!" A u tom trenutku on je pravio jednog idola. "Ovaj, reče on," je od palminog drveta, onaj drugi je od maslinovog, ovaj mali je od slonove kosti; vidi kako je fin! Zar ne izgleda kao da je živ? Svakako, samo mu nedostaje dah!"

Abraham rece: "I tako oče, bogovi su bez dihanja? Pa kako onda oni dišu? Sigurno je oče da oni nisu bogovi."

Starac je bio bijesan na ove riječi, govoreći: "Da imas toliko godina pa da razumiješ, smrvio bih ti glavu ovom sjekirom, ali budi miran, jer još nemaš razumijevanja!"

Abraham reče: "Oče, ako bogovi pomažu da se napravi čovjek, kako to da može biti da čovjek treba da pravi Bogove? I ako su bogovi napravljeni od drveta, veliki je grijeh spaliti drvo. Ali, reci mi oče, kako to - kad si ti napravio toliko bogova - da ti bogovi nisu pomagali da napravis toliko druge djece, da bi ti postao najmoćniji čovjek na svijetu?"

Otac je bio izvan sebe, čuvši svog sina da tako govori; sin nastavi: "Oče, da li je svijet neko vrijeme bio bez ljudi?"

"Da", odgovori starac, "a zašto?"

"Jer", reče Abraham, "ja bih volio da znam ko je napravio prvog boga".

"Sad izlazi iz moje kuće!", reče starac, "i ostavi me da napravim ovog boga brzo, i ne reci mi ni riječ; jer kad si ti gladan, ti želiš kruh, ne riječi".

Reče Abraham: "Lijep bog, zaista, što ga ti klešeš kako hoćeš, a on se ne brani!"

Tad je starac bio ljut i reče: "Sav svijet kaže da je to bog, a ti ludi mladiću, kažeš da nije. Tako mi mojih bogova, da si ti čovjek, mogao bih te ubiti" I rekavši ovo, dade Abrahamu suteve i udarce, i istjera ga iz kuće."

(Citati iz stavka 26)

Učenici su se smijali ludošću starca i ostali zadivljeni smotrenošću Abrahama. Ali Isus, prekorivši ih reče: "Vi ste zaboravili riječi proroka, koji kaže: "Sadašnji smijeh je nagovještaj plakanja koje će doći,"

"Pazite da se nikako ne smijete nikome, jer ćete vi za to sigurno plakati".

"Tada Isus reče: "Doista kažem vam, sve slično voli sebi slično, i u tome nalazi zadovoljstvo. zato da niste ludi, ne biste se smijali ludosti".

(Citati iz stavka 27)

Onda Isus reče: "Sve što čovjek voli, zbog čega ostavlja sve osim toga, je njegov bog. I tako bludnik ima za svog boga kurvu, zderanja i pijanac svoje sopstveno tijelo, a pohlepni ima za svog boga srebro i zlato. I tako slično svaki grešnik".

"Tako isto vam kažem, da je idolatrija najveći grijeh, jer ona čovjeka potpuno lišava vjere, a time i Boga;

(Citati iz stavka 33)

"...svako ko se uzvisuje biće ponižen, a onaj ko se ponizuje biće uzvišen."

"Uistinu, kažem vam, kad bi čovjek znao svoje nesreće on bi uvijek plakao ovdje na zemlji, uzimajući sebe jadnijim od svake druge stvari."

(Citati iz stavka 34)

"Uistinu, ja vam kažem, ko ne obavlja molitvu hrđaviji je od Satane i propatice velike muke" Jer Satana prije svog pada nije imao primjer straha, niti (od) Boga da mu pošalje svakog proroka da ga pozove na pokajanje: ali čovjek – sad pošto su svi proroci dosli izuzev Poslanika Božijeg, koji će doći poslije mene, jer Bog tako hoće, i da bih ja pripremio njegov put – a čovjek kazem, čak iako on ima bezbroj primjera pravde Božije, živi bezbrižno bez ikakvog straha, kao da nema nikakva boga."

"Jer onaj ko traži, nadje, a onaj ko kuca, otvori mu se, a onaj koji isce, primi. A u vašoj molitvi ne tezite ka mnogo riječi, jer Bog gleda na srce; "

"....svega nekolicina obavlja pravu molitvu"

"Isto kao što On kaže Isaiji proroku: "Skloni ove ljude koji su dosadni Meni, jer oni Me stuju svojim usnama, ali je srce njihovo daleko od mene".

Zaista, ja vam kažem, da onaj ko ide da obavi molitvu bez razmišljanja ruga se Bogu."

(Citati iz stavka 36)

"Vjerujte mi zaista, da kad bi čovjek obavljao molitvu Bogu kako treba, on bi postigao sve šta bi tražio."

(Citat iz stavka 38)

"Tad Bog dade svog duha čovjeku, dok su svi sveti anđeli pjevali: "Blagoslovljeno neka je Tvoje sveto ime, o Bože naš Gospode".

"Adam, skočivši na svoje noge, vidje u vazduhu natpis koji je sijao kao Sunce,a pisalo je:

"POSTOJI SAMO JEDAN BOG, A MUHAMMED JE POSLANIK BOŽIJI"

Nato Adam otvori svoja usta i reče: "Zahvaljujem ti, o Gospodaru moj Bože, što si Ti splanirao da me stvoriš; ali reci mi ja te molim, šta znači poruka ovih riječi: "Muhammed je poslanik Božiji? Zar je postojao drugi čovjek prije mene?"

Tad Bog reče: "Neka si dobrodošao, o Adame, moj slugo. Ja ti kazem da si ti prvi čovjek kog sam stvorio. A onaj kojeg si vidio (spomenutog) je tvoj sin, koji će doći na svijet mnogo godina kasnije i biće Moj poslanik, za kog sam stvorio sve stvari; koji će dati svjetlo svijetu kad on dođe, čija je duša stavljena u nebeski sjaj šezdeset hiljada godina prije no što sam išta stvorio". Adam preklinjaše Boga govoreći: "Gospodaru, daruj mi ovaj natpis na noktima prstiju mojih ruku." tad Bog dade prvom čovjeku na njegovim palčevima taj natpis, na noktu palca desne ruke stoji: "Postoji samo jedan Bog", a na noktu palca lijeve ruke stoji: "Muhammed je poslanik Božiji". Zatim sa očinskom ljubavlju prvi čovjek poljubi te riječi, i protrlja svoje oči i reče: Neka je blagoslovljen taj dan kad ti budeš došao na svijet".

(Citati iz stavka 39)

"Nato Adam, okrenuvski se okolo, vidje napisano iznad kapije (raja): "IMA SAMO JEDAN BOG,

A MUHAMMED JE POSLANIK BOŽIJI".

(Citat iz stavka 41)

"Tad reče Isus: "Ja sam glas koji više kroz svu Judeju, i više: 'Pripremite put za Poslanika Gospodnjeg', kao što je pisano u Isaiji"

"Isus odgovori: "Čuda koja Bog izvodi mojim rukama pokazuju da ja govorim ono šta želi Bog; niti ja sebe računam kao onog o kom govorite. Jer ja nisam vrijedan da razvezem užice na cipelama Poslanika Božijeg, kojeg vi zovete "Mesija", koji je napravljen prije mene, a doći će poslije mene, i donijeti će riječi istine, tako da njegova vjera neće imati kraja"

(Citati iz stavka 42)

"Ali poslanik Božiji, kad on dodje, Bog će mu dati pečat svoje ruke tako da će on nositi spas i milost svim narodima svijeta koji prime njegovo učenje. On će doći sa silom na bezboznike i uništiće idolatriju, tako da će učiniti i Satanu zbunjenog; jer tako je obećao Bog Abrahamu, rekavši: "Gle, u tvom sjemenu će blagosiljati sva plemena zemlje; i kao što si ti zdrobio idole u komade, o Abrahamo, isto tako će činiti tvoje sjeme".

(Citati iz stavka 43)

"Zato vam kažem da je Poslanik Božiji Sjaj koji će dati radost skoro svemu šta je Bog stvorio, jer, on je uljepšan duhom razumijevanja i savjeta, duhom mudrosti i moći, duhom straha i ljubavi, duhom smotrenosti i umjerenosti, on je uljepšan duhom milosrđa i milosti, duhom pravde i pobožnosti, duhom nježnosti i strpljenja, kojeg je on dobio od Boga tri puta više nego što ga je dao svim svojim stvorenjima. O blaženo doba kad on dodje na svijet! Vjerujte mi da sam ga ja vidio i svaki prorok: vidjevši da od njegovog duha Bog njima daje poslanstvo. A kad sam ga ja vidio moja je duša bila ispunjena utjehom govoreći: "O Muhammede, Bog neka je s tobom i neka me učini dostojnim da razvezem tvoje sveze na obuci, jer ću postigavši to biti veliki prorok i svetac Božiji".

(Citat iz stavka 44)

"Rece Isus: "Uistinu, kazem vam, da onaj koji cini dobro da bi ga vidjeli ljudi – on je dvolicnjak, jer njegov rad ne prodire u srce koje ljudi ne mogu vidjeti i tako ostavlja u njemu svaku nečistu misao i svaku prljavu požudu. Zna li ko je dvoličnjak? Onaj koji svojim jezikom služi Boga, a sa svojim srcem služi ljudima. O jadni covjek!, jer umirući on gubi svu svoju nagradu"

"Nadalje kažem vam, da dvoličnjak nema vjere, jer da on vjeruje da Bog sve vidi i da će strašnim sudom kazniti poročnost, on bi pročistio svoje srce, koje, jer on nema vjere – drži puno grijehnosti. Uistinu, kažem vam, da je dvoličnjak kao grobnica, vani je bijela, a unutra je puna kvarnosti i crva"

(Citati iz stavka 45)

“Tad se Isus strašno uplašio, i okrećući se Bogu, reče: "Uzmi me sa svijeta, o Gospodaru, jer svijet je lud, i oni me skoro zovu bogom!" i rekavši ovo on zaplaka”.

(Citat iz stavka 47)

"SATANA JE OSUDIO ČOVJEKA
DA BUDE PODLIJI OD NJEGA SAMOGA;"

(Citat iz stavka 50)

“Sudnji dan Božiji će biti tako strašan da – uistinu vam kažem – da bi prokletnici radije izabrali deset pakla nego da idu slušati kako Bog govori u bijesu protiv njih, protiv kojih će sve stvorene stvari svjedočiti. Doista, kažem vam, da se neće samo prokletnici bojati već i sveti i odabranici Božiji, tako da Abraham neće vjerovati u svoju pravednost, a Job neće imati povjerenja u svoju nevinost. A šta kažem ja? Čak će se plašiti i Poslanik Božiji – jer će Bog da bi se spoznalo veličanstvo njegovo, lisiti svog Poslanika pamćenja, tako da on neće imati sjećanje kako mu je Bog dao sve stvari.

Doista, kazem vam da – govoreći iz srca, ja drhtim jer će me svijet nazvati bogom, i ja ću zbog ovoga morati da položim račun.

Tako mi Boga živog, pred kojim stoji moja duša, ja sam smrtnik kao i drugi ljudi, kako me je Bog postavio kao proroka nad domom Izraelovim za zdravlje slabih i popravak grešnika, ja sam sluga Božiji, a vi ste tome svjedoci kako ja govorim protiv onih podlih ljudi koji će nakon mog odlaska sa svijeta poništiti istinu mog Evanđelja radom Satane. Ali ja ću se vratiti pri kraju, a sa mnom će doći Enoh i Ilija, i mi ćemo svjedočiti protiv loših čiji će kraj biti proklet”.

(Citat iz stavka 52)

"I podigavši svoju glavu on (Isus) Reče:

"PROKLET NEKA JE SVAKO KO BUDE UMETNUO U MOJ GOVOR,
DA SAM JA SIN BOŽIJI”.

(Citat iz stavka 53)

“....a onaj koji govori tebi (o Barnaba) (tj. Isus) će reći:

“Gospode, čitav svijet obmanut od Satane je govorio da sam ja Tvoj sin i Tvoj ortak, ali knjiga koju si dao meni kaže istinu da sam ja Tvoj sluga;

(Citat iz stavka 55)

"Uistinu, kažem vam, da ni jedna besmislena riječ niti misao, neće proći nekažnjeno tog strašnog (Sudnjeg) dana”.

"O triput i četiri puta su blagoslovljeni siromašni, koji su u pravom siromaštvu služili Bogu iz srca, jer su oni na ovom svijetu lišeni svjetskih briga, i zato će biti oslobođeni mnogih grijeha, a na tom danu oni neće morati polagati račun o tome kako su potrošili bogatstva svijeta, nego će

oni biti nagrađeni za njihovu strpljivost i njihovu bijedu.
Uistinu, kažem vam, da kad bi ovo svijet znao, odabrao bi prije košulju od kostrijeti nego
grimizno odijelo, vaši prije nego zlato, post prije nego gozbe”

(Citati iz stavka 57)

"Vidio sam čovjeka koji stavlja svoju nadu u svoju snagu i svoja bogatstva, a zaboravio je Boga"
"Tako mi Boga živog, pred kojim stojim, mada sada plaćem iz žalosti za čovječanstvom, na taj
dan (na Sudnji dan) ću tražiti pravdu bez milosti protiv onih koji preziru moje riječi, a najviše
protiv onih koji skrnave moje Evanđelje”.

(Citati iz stavka 58)

"Doista, kažem vam, da je odmor u ovom životu otrov pobožnosti i vatra koja guta svaki dobar
rad”.

“Kao što je ptica rođena da leti, tako je čovjek rođen da radi”.

(Citati iz stavka 59)

"O jadni grešnici, kako će im (u paklu) gnusno izgledati delišes mesa, skupa odjeća, mehki
kauči i ritam slatke pjesme i kako će ih bolesnim učiniti razbjesnjava glad, pržeći plamenovi,
pržeće ugljevlje i okrutna mučenja sa gorkim plakanjem!"

"A ovdje će njihovi jezici proklinjati sve stvoreno sa svojim ocem i majkom...."

(Citati iz stavka 60)

"...takvi ne poznaju Boga svojim srcima; jer da ga znaju voljeli bi ga; a kako je sve što čovjek
ima primio od Boga, isto tako bi trebao da potroši sve za ljubav Božiju"

(Citati iz stavka 62)

"Teško onima koji zovu na osvetu; jer na njih će ona stići, pošto svaki čovjek ima u sebi uzrok
za Božiju osvetu”.

Citati iz stavka 63)

"...grešnik je slabog razuma..."

"Pa kako može biti zdravog razuma ko odvaja sebe od Boga, glavu od svoje duše, a da bi
povrijedio tijelo svog neprijatelja?

Reci mi o čovječe, ko je tvoj neprijatelj? Tvoje tijelo, zasigurno, i svako ko te hvali. Zato ako bi
bio zdravog razuma ljubio bi ruku onih koji te grde i davao poklone onima koji te progone i
udaraju te mnogo; jer, o čovječe, što si više grđen zbog svojih grijeha i progonjen u ovom životu
manje ćeš biti na sudnjem danu.

Ali, reci mi o čovječe, ako su sveci i proroci bili proganjani i klevetani od svijeta, iako su oni bili
nevini, šta će biti urađeno tebi, o grijesnice?, i ako su oni izdržali strpljivo moleći za svoje
progonitelje, šta bi da radiš, o čovječe, koji zaslužuješ pakao?

"Zato kad si u muci, ne misli kako si mnogo podnosio, niti o onom ko te muči; nego razmisli koliko si za svoje grijehе zasluŹan da primis na ruku od đavola pakla"
(Citati iz stavka 64)

"TIJELO PRIVLAČI GRIJEH I UPIJA GRIJEŠNOST
KAO ŠTO SPUŽVA UPIJA VODU".

"...nista nije opasnije od govora. Jer, Soloman je tako rekao: "Źivot i smrt su u moći jezika".
"Pripazite se onih koji vas hvale, jer oni vas obmanjuju"
(Citati iz stavka 66)

"... vi ne biste pomišljali da kaŹete: "Šta će mi Bog dati!?" Nego vi biste rekli, kao što je učinio David, njegov prorok: "Šta ću ja dati Bogu, za ono sve što je dao meni?"
(Citat iz stavka 68)

"Isus upita: "A vi, šta vi kaŹete da sam ja?
Petar odgovori: "Ti si Krist, sin Bogov."

Tad Isus bi ljut i s gnjevom ga prekori rekavši: "Odlazi i napusti me, jer ti si đavo i traŹiš da učinim prekršaj."

"Petar zaplaka i reče: "Gospodaru govorio sam ludo, preklinji Boga da mi On oprost".

"Ali, zar ne znate da je Bog stvorio sve stvari iz ničega samo sa jednom rječju, a svi ljudi imaju svoje porijeklo iz komada ilovace? Pa kako će Bog imati sličnost čovjeku?"
(Citati iz stavka 70)

"..ja sam sad došao na svijet da pripremim put za Poslanika BoŹijeg koji će svijetu donijeti spas"
(Citat iz stavka 72)

"Uistinu kaŹem vam, da čovjek treba da čini kao što radi bankar koji pregleda novac, da ispituje svoje misli, da ne zgriješ protiv Boga svog stvoritelja".
(Citat iz stavka 73)

"Isus odgovori: "Za vas su potrebne dvije stvari. Prva je da mnogo radite, a druga je da malo govorite; jer besposlenost je lavabo u koji se skuplja svaka nečista misao, a previše govora je sunđer koji upija poročnosti. Potrebno je zato, ne samo da vaš rad drŹi zaokupljenim vaše tijelo, nego i da duša bude okupirana molitvom. Jer ona nikad ne treba da prestane s molitvom.
"Nikako nije dovoljno za nekoga da zna zlo, da bi ga izbjegao, nego treba da radi dobro da bi ga prevazišao".
(Citati iz stavka 75)

"Onda Isus rece: "O ludače mimo svih ludaka si ti o čovječe, što svojim shvatanjem znaš nebesa, a rukama svojim odabireš zemlju; sa svojim shvatanjem spoznaješ Boga, a sa svojom

ljubavlju želiš svijet; svojim razumom spoznaješ zadovoljstva raja, a svojim djelima odabires nevolje pakla. Hrabri vojnik koji ostavlja mač i nosi korice da se bori. Pa zar ne znate da onaj koji ide noću želi svjetlo, ne samo da vidi svjetlo, nego da vidi dobar put, da bi on sigurno prošao u svratište? O jadni svijete, budi hiljadu puta prezreni, naš Bog je preko svojih svetih proroka uvijek htio da ga obdari da zna kojim putem ići u svoju zemlju i svoj počinak: ali ti nevaljalče, ne samo što ne želis ići, već što je gore, prezireš svjetlost. Istinita je poslovice o kamili da ona ne voli bistru vodu da pije, jer ona ne želi da vidi svoje sopstveno ružno lice. Tako čini bezboznik koji radi loše, jer on mrzi svjetlost, da se ne bi znali njegovi zli poslovi. Ali, onaj ko prima mudrost, i ne samo da ne radi dobro, već, što je gore, upošljava je za zlo – sličan je onom ko koristi darove kao instrument da ubije darodavca.”

(Citat iz stavka 77)

"Doista, kažem vam, kruh nije tako dobar za privremeni život, kao učenje za vječni život. Zar ne znate da je načelo Božije da se uči? Jer, tako kaže Bog: "Pitaj svoje starije i oni će te poučiti". A u zakonu Bog kaže: "Neka moja načela budu pred tvojim očima i kad ti sjediš i kad ti hodaš, i stalno razmišljaj o tome”.

Da li je onda dobro ne učiti, sad možete znati. Oh, nesrećnog onog ko prezire mudrost, jer on je siguran da će izgubiti vječni život”.

(Citat iz stavka 78)

"Možda vi mislite da je Bog dao zakon iz ljubavi za zakonom? Sigurno je da ovo nije tacno nego je Bog dao zakon da bi čovjek činio dobro za ljubav Božiju”.

(Citat iz stavka 79)

"Uistinu kažem vam, da čovjek treba da potroši svo vrijeme svog života ne u učenju kako da govori ili čita, nego u učenju kako da čini dobro. Pa reci mi, koji je to sluga Herodov koji ne bi učio da mu udovolji, služeći mu usrdno? Teško svijetu što uči samo da udovolji tijelu koje je ilovača i izmet, a ne izučava nego zaboravlja službu Bogu koji je stvorio sve stvari, koji je blagoslovljen zauvijek”.

(Citat iz stavka 80)

"Isus odgovori: "Ja sam naravno poslan domu Izraelovom kao prorok spasa; ali, poslije mene će doći Mesija poslat od Boga čitavom svijetu; za njega je Bog stvorio svijet”

(Citat iz stavka 82)

"Vi ne znate da je prava hrana izvršavanje volje Božije; jer nije hljeb taj koji održava čovjeka, daje mu život, vec prije riječ Božija, njegovom voljom.”

(Citat iz stavka 83"

"Tad Isus reče: "Jeste li ikada vidjeli balegu pomiješanu sa balzomom?"

Oni odgovorise: "Ne gospodaru, jer niko nije tako lud da uradi tu stvar".
"Pa kažem vam da je bilo na svijetu većih ludaka", reče Isus, "jer su oni službu svijeta miješali sa Božijom službom. Tako su mnogi bezgriješnog života bili prevareni od Satane, i dok su se molili upleo im je posao svijeta, nakon čega su oni postali u to vrijeme odvratni pred Bogom. Recite mi, kad se vi perete za molitvu, da li pazite da vas ne dotakne nikakva nečista stvar? Da, svakako. Ali, šta vi radite kad obavljate molitvu? Vi perete svoju dusu od grijeha milošću Božijom. Da li biste onda htjeli dok obavljate molitvu, govoriti o stvarima svijeta? Pazite da tako ne radite, jer svaka riječ ovosvjetska postaje izmet djavolov na duši onog ko govori".

"Uistinu, kažem vam da svako kad se moli govori s Bogom".

(Citati iz stavka 84)

"Uistinu, kažem vam da vam nije dozvoljeno da mrzite išta sem grijeha tako da ne možete čak mrziti ni Satanu kao Božije stvorenje, već prije kao neprijatelja Božijeg."

(Citat iz stavka 85)

"Ali, recite mi, ako čovjek ne zna kako da voli Boga, kako će on znati da voli sebe i kako će on znati da voli druge – ne znajući kako da voli sebe? Zasigurno je ovo nemoguće. Zato kad ti odabereš sebi nekog za prijatelja (jer je krajnje siromah onaj ko uopšte nema prijatelja) gledaj da prvo razmotriš, ne njegov lijep rad, ne njegov fin rod, ne njegovu lijepu familiju, ne njegovu lijepu kuću, ne njegovo lijepo odijelo, ne njegovu finu ličnost, niti njegove lijepe riječi – jer ćeš lahko biti obmanut. Nego gledaj koliko se on boji Boga, koliko on prezire ovozemaljske stvari, koliko on voli dobra djela, i iznad svega koliko on mrzi svoje sopstveno tijelo, i tako ćeš ti lahko naći pravog prijatelja...."

(Citat iz stavka 86)

"Jao svijetu zbog grijeha. Grijesi mora da dolaze otuda što čitav svijet počiva na poroku. Pa teško onom čovjeku preko kojeg grijeh dolazi.

Bolje bi bilo za čovjeka da imadne oko vrata vodenični kamen i potone u dubine mora, nego da uvrijedi svog susjeda.

Ako tvoje oko bude ogriješenje za tebe, isčupaj ga; jer, bolje je da odeš samo sa jednim okom u raj nego sa oba u pakao.

Ako te tvoja ruka ogriješi učini isto; jer, bolje je da ideš u kraljevstvo nebsko sa jednom nogom ili jednom rukom, nego sa dvije ruke i dvije noge ići u pakao".

Rece Šimun zvani Petar: "Gospodaru kako ja to moram uraditi? Sigurno je da ću ja za kratko vrijeme biti rastrgan".

Isus odgovori: "O Petre, odstrani čulnu promišljenost i ti ćeš odmah naći istinu. Jer onaj ko te uči je tvoje oko, a onaj ko ti pomaže da radiš je tvoja noga, a onaj ko ti pomaže sve je tvoja

ruka. Zato, kad su takvi za tebe prilika za grijeh ostavi ih, jer, bolje je za tebe ići u raj neuk sa nekoliko djela i siromah, nego ići u pakao mudar, sa velikim djelima i bogat. Sve što te može spriječiti da služiš Boga, odbaci od sebe kao što čovjek odbacuje sve što mu smeta pogledu."

((Citat iz stavka 87

VJERA JE PEČAT KOJIM BOG ŽIGOŠE"
SVOJE IZABRANIKE;"
"JER, KAO STO JE BOG JEDAN TAKO JE I VJERA JEDNA"
"VJERNIK VJEROM VIDI SVE STVARI
BOLJE NEGO ŠTO NEKO VIDI SVOJIM OČIMA;
JER, OČI MOGU POGRIJEŠITI, ŠTA VIŠE, ONE SKORO UVIJEK GRIJEŠE;
DOK VJERA NE GRIJEŠI NIKADA, JER ONA IMA ZA TEMELJ BOGA
".I NJEGOVU RIJEČ

(Citati iz stavka 90)

Uistinu, vi ste naveliko pogrijesili, o Izraeliti, zovući mene čovjeka, svojim Bogom....."

" O hiljadu puta prokleti Satano, što si ih pokrenuo na ovo!"

"PRIZNAJEM PRED NEBOM, I POZIVAM ZA SVJEDOKA SVE ŠTO ŽIVI NA ZEMLJI, DA SAM
JA STRAN SVEMU ONOME ŠTA STE VI REKLI; POSTO SAM JA ČOVJEK, ROĐEN OD ŽENE
SMRTNIKA, POTČINJENE SUDU BOŽIJEM, TRPEĆI NEVOLJE JEDENJA I SPAVANJA,
HLADNOĆE I TOPLOTE, KAO I DRUGI LJUDI.
ZATO KAD BOG DOĐE DA SUDI, MOJE ĆE RIJEČI KAO MAČ PROBOSTI SVAKOG (OD ONIH)
KOJI VJERUJU DA SAM JA VIŠE NEGO ČOVJEK".

(Citat iz stavka 93)

"I REKAVŠI OVO, ISUS REČE PONOVO:

"JA SVJEDOCIM PRED NEBOM I POZIVAM ZA SVJEDOKA SVE ŠTO ŽIVI NA ZEMLJI, DA
SAM JA STRAN SVEMU ŠTO SU LJUDI REKLI O MENI, TO JEST DA SAM JA VIŠE NEGO
ČOVJEK. JER, JA SAM ČOVJEK, ROĐEN OD ŽENE, PODLOŽAN SUDU BOŽIJEM; KOJI ŽIVI
OVDJE KAO I DRUGI LJUDI, PODVRGNUT OBIČNIM NEVOLJAMA."

(Citat iz stavka 94)

"Na to se svećenik pope onamo, kojem Isus reče jasno tako da je svako mogao čuti:

"zapisano je u oporuci i zavjetu Boga živoga, da naš Bog nema početka, niti će on imati ikada

kraj”.

Svećenik odgovori: "Tačno tako je tamo zapisano”.

Isus reče: "Tamo je zapisano da je naš Bog samo svojom riječju stvorio sve stvari”.

"Tačno je to tako”, reče svećenik.

Isus rece: "Tamo je zapisano da je Bog nevidljiv i skriven od uma čovjekovog obzirom da je on bestjelesan i nesastavljen, bez promjene”.

"To je doista tako”, reče svećenik.

Isus rece: "Tamo je zapisano kako ga nebo nebesa ne može sadržati, obzirom da je naš Bog bezgraničen”.

"Tako je rekao prorok Solomon”, reče svećenik, "o Isuse”.

Isus reče: "Tamo je zapisano da Bog nema potrebu, jer ne jede, ne spava, ne pati niodkog nedostatka”.

"Tako je” reče svećenik.

Isus reče: "Tamo je zapisano da je naš Bog svugdje i da nema nikakva drugog boga, osim Njega, koji čini sve što zaželi”.

"Tako je zapisano”, odgovori svećenik.

Tad Isus podigavši uvis svoje ruke, reče:

"Gospode Bože naš, ovo je moja vjera s kojom ću doći na sud: sa svjedočenjem protiv svakog koji bude vjerovao suprotno....”

".... vi možete opaziti svoj grijeh; jer ja sam vidljiv čovjek i komad ilovače koja hoda po zemlji, smrtnik kao i drugi ljudi. I ja sam imao početak, i imaću kraj; takav (sam) da ja ne mogu stvoriti iznova musicu”.

(Citati iz stavka 95)

"Isus odgovori: "Ja sam Isus, sin Merjemin iz sjemena Davidovog, čovjek koji je smrtnik i boji se Boga, i ja tražim da se Bogu oda čast i slava”

"Međutim, kad me Bog uzme sa svijeta Satana će opet podici ovu prokletu uzbunu, tako što će učiniti da bezbožnici vjeruju da sam ja bog i sin Božiji, zbog čega će moje riječi i učenje biti okaljano, tako da će ostati jedva trideset vjernika: nato će Bog imati milosti nad svijetom i poslaće svog Poslanika za kojeg je stvorio sve stvari; koji će doći sa Juga sa moći i uništiće idole sa idolopoklonicima; koji će oduzeti dominaciju od Satane koju on ima nad ljudima. On će donijeti sa sobom milost Božiju, za spas onih koji će vjerovati u njega, a blagoslovljen je onaj ko bude vjerovao njegovim riječima.”

(Citati iz stavka 96)

"Tada reče Isus: "Ja nisam utješén vašim riječima, jer, gdje se vi nadate svjetlosti doci će tama; međutim, moja utjeha je u dolasku Poslanika koji će uništiti svako krivo mišljenje o meni, a njegova vjera će se proširiti i zahvatiti sav svijet, jer, tako je Bog obećao Abrahamu ocu našem. A to što mi daje utjehu je što njegova vjera neće imati kraja, nego će je Bog držati neprikosnovenom".

"Zato vam kažem da je svijet uvijek prezirao prave proroke, a volio lažne..."

"Jer, svako voli sebi sličnog".

"Isus odgovori: "Ime Mesije je divno, jer mu je sam Bog dao ime kad je On stvorio njegovu dušu i stavio je u nebeski sjaj.

Bog je rekao: "Čekaj Muhammede; jer zbog tebe ću stvoriti raj, svijet i veliko mnoštvo stvorenja, od čega ti činim poklon, tako da ko god bude blagoslovio biće blagoslovljen, a ko te prokune biće proklet. Kad te pošaljem na svijet, poslaću te kao Poslanika spasa, a tvoja riječ će biti istinita, tako da će propasti nebesa i zemlja, ali tvoja vjera nikad neće".

Muhammed je njegovo blagoslovljeno ime"

Tad gomila podiže svoje glasove, govoreći:

"O Bože, pošalji nam svog Poslanika; O Muhammede dođi brzo radi spasa svijeta!"

(Citati iz stavka 97)

"Pokajanje je preokret zlog života; jer sve mora biti okrenuto suprotno onome šta je rađeno dok se griješilo. Jer, umjesto uživanja mora biti žaljenje; umjesto smijeha plakanje; umjesto lumperaja post; umjesto spavanja bdijenje; umjesto dokolice aktivnost; umjesto strasti čednost, neka pričanje priča bude pretvoreno u molitvu, a gramzivost u davanje milostinje".

"Temelj našeg spasa je Bog bez kojeg spasa nema".

(Citati iz stavka 101)

"Isto tako grešnik koji će biti istinski pokoran mora imati veliku želju da kazni u sebi ono sta je cinio suprotno svom Stvoritelju na takav nacin da on kad se moli, ne usudjuje da moli Boga za raj, ili da ga On oslobodi od pakla, nego da u zbunjenosti uma PADNE NIČICE PRED BOGOM ..."

"Sigurno je gnusno svetogrdje smijeh gresnika: tako da je onaj svijet pravo nazvan od naseg oca Davida DOLINOM SUZA."

"Zatim Isus zaplaka, govoreci: "Jao svijetu, jer, on je siguran za vjecno mučenje."

(Citati iz stavka 102)

.Evandjelje po Barnabi, Prevod Esed Bosnjak, 1995

U dusi svakog covjeka ima jedna
skrivena svjetiljka.
Njeno svjetlo mozemo vidjeti samo onda
kada se priblizimo nasem Uzvisenom Gospodaru,
Allahu,dž.š.
Sto smo Mu blizi svjetla je sve vise i vise.
Uzavrelo srce nam se pretvori
u đenetsko sunce
pa sapuce molitvu od svjetla:
Moj najdrazi Allahu,
Hvala Ti sto si mi darovao oci koje vide.
Hvala Ti sto mi dade usi koje cuju.
Hvala Ti sto skloni mrak sa puteva kojima idem.
Hvala Ti sto mi darova Sebe.....
A sta da ja Tebi darujem?
Ja imam samo dusu u kojoj meleki
Tebi sedždu čine.

Pitaju me zasto smo stvoreni i u cemu je smisao
naseg postojanja.
A ja im kazem:
Skinite koprenu dunjaluka sa vasih slijepih ociju
pa cete odmah progledati.
Poskidajte sa sebe okove vasih pozuda i strasti.
Zaključajte u sebi tamnice u kojima ste
sami sebe zarobili.
Izadjite iz vasih tmina.
Dodjite u slobodu...
Dodjite da vidite Bozija znamenja,
u svakoj zraci sunca, u pupoljku cvijeta,
u sicusnom atomu, beskraju svemira.

Dodite da vidite najveća čuda ovog svijeta.
Progledajte svojom dušom.
Progledajte svojim srcem.
.Potražite utocište za svoje oci u Allahovom svjetlu

Gledam kroz prozor života,
obnevidjeli skupljaju mrvicu dunjaluka,
zasijali su bašće grijeha i harama
pa se natječu ko će ubrati
što više gorkih plodova.
Gledam ih kako padaju u provaliju
koju su iskopali u svojim srcima
pa tonu u sumrak da posade svoje sjeme
u vatri bezdana.
,Bismillahi Rrahmani Rrahim

EVANĐELJE PO BARNABI

(.Prevod Esed Bošnjak 1995.g)

(Nastavak)

Što se tiče pohlepe, ona se mora pretvoriti u davanje sadake. Uistinu kažem vam, kao što" višak ima za svoj cilj centar, tako i pohlepni ima za svoj kraj pakao, jer nemoguće je za pohlepnog da ima ikakvo dobro u raju. Zna li zašto? Ja ću vam reći. Tako mi Boga živog pred kojim stoji moja duša, pohlepni, čak iako je šutljiv na svom jeziku, s v o j i m d j e l i m a govori: "Nema drugog boga osim mene". Jer sve ono šta on ima spreman je potrošiti na vlastito zadovoljstvo, bez obzira na svoj početak ili svoj kraj, što je on rođen go i umirući ostavlja sve."

"Ti nas o Gospode, spasi od Satane, od tijela i od svijeta, kao što si spasio svoje izabranike za ljubav svoju i za ljubav Tvog Poslanika za kojeg si nas stvorio, za ljubav svih Tvojih svetaca i proroka".

(Citati iz stavka 122)

Pošto je tako Bog stvorio čovjeka, stavio je u njega SVJETLO koje se zove razum, koje treba da ujedini meso, svijest i dušu u jedan cilj - da rade za službu Božju."

"...otuda oči, pošto nisu u stanju da vide išta osim ispraznosti, varaju sebe, i tako odabirući stvari svijeta, griješe"

(Citati iz stavka 123)

"pošto je Bog Jedan istina je jedna; otud slijedi da je načelo jedno i njegovo značenje jedno; I ZATO JE VJERA JEDNA.

Uistinu, ja vam kažem, da istina nije bila izbrisana iz Knjige Mojsijeve, Bog ne bi dao Davidu ocu našem drugu. A da Knjiga Davidova nije bila okaljana, Bog ne bi povjerio meni Evanđelje, pošto je naš Bog n e p r o m j e n l j i v i govorio je jednom porukom svim ljudima. Zato kad dođe Poslanik Božji, on će doći da očisti sve ono čime su bezbožnici uprljali moju Knjigu".

"svaka dogma koja odvraća čovjeka od njegova cilja, koji je Bog, je najhrđavija dogma. Zato imaju tri stvari koje ćeš razmatrati u dogmi - naime, ljubav prema Bogu, samilost prema susjedu i mržnja prema tebi koji si uvrijedio Boga i vrijeđaš ga svaki dan"

(Citati iz Stavka 124)

"Neka se zato pohlepa promjeni u sadaku, dijeleći pravedno što je (čovjek) postigao nepravo.

I neka on pati da - šta desna ruka daje - da lijeva ne zna."

"I pazite da kad dajete sadake, vi smatrajte da vi dajete Bogu sve to, za ljubav Božju. Zato ne budite spori da date, a dajte najbolje od onog šta imate, za ljubav Božju."

"Bolje je ne dati ništa nego dati lošu stvar."

"Barnaba upita: "Koliko dugo treba da traje pokajanje?"

Isus odgovori: "Toliko koliko je čovjek u stanju grijeha on uvijek treba da se kaje da da pokaru za to. Pošto ljudski život uvijek griješi, tako on treba uvijek da daje pokoru, ukoliko više ne biste vodili računa o svojoj obući nego o svojoj duši, jer svaki put kad puknu vaše cipele, vi ih zakrpite".

(Citati iz stavka 125)

"Pri svakom dobrom poslu recite: " Bog je uradio", a pri svakom lošem se kaže: "Ja sam zgriješio".

(Citat iz stavka 126)

"Teško onima koji se veličaju, jer oni će biti poniženi na goreće ugljevlje pakla. Recite mi braćo, šta je uzrok samoveličanja? Ima li možda ikakva dobra ovdje na Zemlji? Ne zasigurno, jer kao što kaže Solomon prorok Božji: "Sve što je pod suncem je ispraznost".

"O jadni čovjek, koji se uznosi, a ima tako mnogo tereta koji ga pritiskuju od strane svih stvorenja na svakom mjestu! A šta da vam kažem o tijelu i svijesti koji žele samo grijehnost; o svijetu koji nudi samo grijeh; o zloćama koji služeći Satanu, progone svakog ko bi živio prema Zakonu Božjem?"

(Citati iz stavka 127)

"U skladu s tim, braćo, ja, čovjek, prašina i ilovača, koji hoda po zemlji, kažem vama: činite pokoru i znajte svoje grijeh. Kažem braćo, da je Satana pomoću rimske armade obmanuo vas kad ste vi rekli da sam ja bog. Pazite zato da im ne vjerujete pošto su oni pali pod prokletstvo Božje, služeći krive i lažne bogove; kao što naš otac David priziva na njih prokletstvo, govoreći: "Bogovi naroda su srebro i zlato, djela ruku njihovih; oni imaju oči a ne vide, imaju uši a ne čuju, imaju nosove ali ne osjećaju miris, imaju usta a ne jedu, imaju jezik a ne govore, imaju ruke a ne dodiruju, imaju noge a ne hodaju".

"O nećuvena oholost, ova oholost čovjeka, koji stvoren Bogom od zemlje zaboravlja svoje stanje i spreman je da napravi boga za svoje zadovoljstvo!"

"A Satana želi da vas ograniči, o braćo, tjerajući vas da vjerujete da sam ja bog; obzirom da ja nisam u stanju da stvorim mušicu i što sam prolazan i smrtn, ja vam ne mogu dati ništa korisno, obzirom da i sam trebam sve. Kako bih vam ja onda mogao pomoći u svim stvarima, kad to samo Bogu pristaje?"

(Citati iz stavka 128)

"Hoće li se možda sjekira hvalisati što je posjekla šumu gdje je čovjek načinio vrt? Zasigurno ne, jer čovjek je to sve uradio, da, i (napravio) sjekiru svojim rukama.

A ti o čovječe, hoćeš li se ti hvalisati da si učinio sve što je dobro, obzirom da te je naš Bog stvorio od ilovače i učinio u tebi svako učinjeno dobro?

I zašto ti prezireš svog komšiju? Zar ne znaš da te Bog nije sačuvao od Satane, ti bi bio gori od Satane?

Pa zar ne znaš da je jedan jedini grijeh promijenio najljepšeg anđela u najodbojnijeg demona? I da je najsavršeniji čovjek koji je došao na svijet koji je bio Adam, on promijenio u jedno biće, podvrgnuivši ga onom šta mi trpimo, zajedno sa svim njegovim potomstvom?"

"Jao tebi o ilovačo, jer si ti sebe uzvisila nad Bogom koji te je stvorio, ti ćeš biti ponižena pod

nogama Satane koji čeka na tebe".

"Svećenici i književnici koji su mrzili Isusa izvjestiše rimske vojnike o onom šta je Isus rekao protiv njihovih bogova. Jer oni su svakako gledali kako da ga ubiju, ali ga nisu našli, jer su se bojali naroda. Isus ušavši u Šimunovu kuću, sjede za sto. I dok je on jeo, spazi ženu po imenu Marija, javnu grešnicu, kako uđe u kuću, baci se na tlo pred Isusove noge, i oprala ih svojim suzama i namaza ih dragocjenim uljem, i obrisala ih sa kosom svoje glave.

Šimun je bio uvrijeđen sa svima koji su bili pri mesu, i rekoše u svojim srcima: "Da je ovaj čovjek prorok, on bi znao koje je sorte ova žena i ne bi joj dopustio da ga dotakne".

Tad reče Isus: "Šimune, moram nešto da ti kažem".

Šimun odgovori: "Govori, o gospodaru, jer ja želim tvoju riječ".

(Citati iz stavka 129)

"Isus reče: "Bio jedan čovjek koji je imao dva dužnika. Jedan je dugovao svom kreditoru pedeset novčića, a drugi petsto. Nato- kad nijedan nije imao čime da plati, vlasnik dirnut sažaljenjem oprosti dug obojici. Koji od njih bi više volio svog kreditora?"

Šimun odgovori: "Onaj kojem je oprošten veći iznos".

Isus reče: "Dobro si rekao; ja ti kažem zato, pogledaj ovu ženu i sebe; oboje ste bili dužnici Bogu, jedan zbog gubavosti tijela, drugi zbog gubavosti duše, što je grijeh.

Bog naš Gospod, dirnut sažaljenjem kroz moje molitve je htio da izliječi tvoje tijelo i njezinu dušu. Ti me zato voliš malo, jer si malo primio kao dar. I tako kad sam ja ušao u tvoju kuću nisi me poljubio niti si pomazao moju glavu. A ova žena uistinu! odmah je ulazeći u kuću smjestila se pored mojih nogu koje je oprala svojim suzama i pomazala dragocjenim pomazanjem. Zato ti uistinu kažem, mnogi grijesi su joj oprošteni, jer je voljela mnogo". I okrećući se ženi on reče: "Idi svojim putem u miru, jer Gospod naš Bog ti je oprostio grijehe; ali pazi da više ne griješiš.

Tvoja te je vjera spasila."

(Stavak 130)

"I uistinu kažem vam, sve što čovjek primi on to primi od Boga. Zbog toga čovjek treba da se ponaša sa najdubljom poniznošću, znajući sopstvenu ništavnost i veličinu Božju, sa velikom darežljivošću kojom nas hrani"

"... nema ništa tako malo šta se primi ovdje na svijetu od (ruke) Boga, a da čovjek za uzvrat ne treba da provede život na ljubav Božju."

(Catati iz stavka 131)

"O smrti, kako je gorko sjećanje na tebe onima koji imaju oslonac u svojim bogatstvima."

"Jeste li vidjeli one koji grade kako za svaki kamen koji polažu oni imaju u vidu temelj, mjereći

ga da bude prav, da zid ne bi pao? O jadni čovjek! jer će s najvećim rušenjem pasti građevina
njegovog života, zato što on ne gleda na temelj smrti!"
(Citati iz stavka 140)

"Grešnik će umrijeti najrđavijom smrću".

"Ako čovjek šijući odijelo udjeva zrak umjesto konca u iglu, kako će posao postići (cilj)? Sigurno je da bi radio uzalud i bio bi prezren od svojih susjeda. Sad čovjek ne vidi da on ovo kontinuirano radi, kad on prikuplja zemaljska dobra. Jer, smrt je igla u koju zruci zemaljskih dobara ne mogu da se udjenu. Ipak, on se u svojoj ludosti kontinualno bori da bi njegov posao uspio, ali uzalud.

A ko god ne vjeruje ovo na moju riječ, neka on pogleda na kabre (mezare), jer tu će naći istinu. Onaj ko bi bio voljan postati mudar pored svih drugih, u strahu Božjem, neka on studira knjigu kabra, jer tamo će on naći istinsku doktrinu za svoj spas. Jer on će znati da se pričuva svijeta, tijela, svijesti, kad on vidi da je ljudsko tijelo rezervisano za hranu crvima.
(Citat iz stavka 141)

"Neka se svako pripazi onog koji se bez povoda trudi da ti da znak ljubavi".
(Citat iz stavka 143)

"Ko ide, neka gleda jedino u svoje noge.

Ko govori, neka govori samo ono šta je potrebno.

Kad oni jedu, neka se dižu iza stola još gladni; misleći svaki dan da neće biti drugog; trošeći svoje vrijeme kao onaj koji uvlači dah.

Neka jedna odjeća od životinjske kože bude dovoljna.

Neka grumen zemlje spava na goljoj zemlji; za svaku noć nek bude dovoljno dva časa sna.

Neka ne mrzi nikog osim sebe; nek ne osuđuje nikog osim sebe.

U molitvi neka oni stoje u takvom strahu kao da su na sudu koji dolazi."
(Citati iz stavka 145)

"Rekavši ovo on uze Psalme, i pročita ono šta kaže naš otac David: "Postaviću stražu nad svojim ustima da moj jezik ne skrene ka riječima grijeha, opravdavajući svoj grijeh."

"Naš Bog ne traži da naš intelekt bude dobar, već prije naše srce. Tako, na dan sudnji On nas neće pitati šta smo naučili, nego šta smo učinili".
(Citati iz stavka 149)

"Oni odgovoriše: "Pa kako nas je stvorio tvoj Bog pošto nije poznato gdje je on? Pokaži nam svog Boga i mi ćemo postati Jevreji".

Tad reče Isus: "Kad bi vi imali oči da Ga vidite, pokazao bih vam Ga, ali pošto ste vi slijepci, ja

vam Ga ne mogu pokazati".

"Ali mi Judini imamo duhovne oči, koje su strah vjere našeg Boga, zato mi možemo vidjeti našeg Boga na svakom mjestu".

(Citati iz stavka 152)

"Sve stvorene stvari pripadaju Stvoritelju, na takav način da ništa ne može polagati pravo na ništa. Tako su duša, svijest, tijelo, vrijeme, dobra i čast - svi su Božje vlasništvo, tako da ih čovjek primi ne onako kako Bog hoće, on postaje lopov. Na sličan način, ako ih on bude koristio suprotno onom kako Bog hoće, on je isto tako kradljivac. Kažem vam zato, da-tako mi Boga živog pred kojim stoji moja duša, kad planirate vrijeme govoreći: "Sutra ću ga tako učiniti, ja ću reći takvu stvar, ja ću ići u to mjesto", a ne govoreći !Ako Bog htjedne", vi ste kradljivci: a vi ste veći kradljivci kad provodite veći dio svog vremena u zadovoljavanju sebe, a ne u udovoljavanju Bogu, a provodite gori dio u službi Bogu: tad ste takođe kradljivci."

(Citati iz stavka 153)

"Tako mi Boga živog, pred kojim stoji moja duša, onaj koji krade čast, zavređuje veću kaznu od onog ko liši čovjeka stvari i života. A onaj ko sluša trač, kriv je na sličan način, jer jedan prima Satanu, na svoj jezik, a drugi su uši svoje".

"Isus odgovori: "Čovječe, ti me znaš dobrim, ali ti griješiš, jer samo je Bog dobar. A još više ti griješiš pitajući zašto Bog nije učinio u skladu s tvojim mozgom. Ja ću ti sve odgovoriti. Kažem ti da se Bog naš Stvoritelj u svom djelovanju ne prilagođava nama, stoga nije dopušteno stvorenju da traži svoj sopstveni put i pogodnost; već prije čast svog Boga Stvoritelja, a ne Stvoritelj od stvorenja.

(Citati iz stavka 154)

"Tako mi Boga živog, pred kojim stoji moja duša, kad na svijet dođe Poslanik Božji, ako bi on začeo ljubav prema ovom zlom svijetu, sigurno bi Bog uzeo od njega sve šta mu je dao kad ga je stvorio i učinio ga prokletim...."

(Citat iz stavka 158)

"Kad vi zato budete vjerovali da je grijeh samo ono što Bog neće, vi ćete naći istinu, kao što sam vam ja rekao".

"Sve nevolje su dobre - ili zbog tog što one brišu zlo koje smo počinili, ili su dobre zbog toga što nas sprečavaju da činimo zlo, ili su dobre zbog toga što tjeraju čovjeka da spozna stanje ovog života, da bismo mi voljeli i žudili za vječnim životom"

(Citati iz stavka 161)

"Tad Isus reče: "Predodređenje je tako tajno, o braćo, da će - ja vam uistinu kažem samo jednom čovjeku biti posve poznato. On je taj kojeg narodi očekuju i kojem su tajne Božje tako

jasne da kad on dođe na svijet biće blagoslovljeni oni koji budu slušali njegove riječi, jer će ih Bog natkriti sjenkom svoje milosti, isto kao što nas palma sjenči."

"Učenici upitaše: "O gospodaru, ko će biti taj čovjek o kom ti govoriš, koji će doći na svijet?" Isus odgovori radosna srca: "On je Muhammed, poslanik Božji, i kad on dođe na svijet – kao što kiša čini da zemlja rodi plodovima, kad ne pada duži period – isto tako će on biti uzrok dobrih djela među ljudima kroz obilnu milost koju će on donijeti. Jer on je bijeli oblak pun Božje milosti, koju će Bog poškropiti po vjernicima kao kišu".

((Citati iz stavka 163